

獄徑出水池城神仙同救度道遠上太清

救苦讚

吾師天中救苦尊常善化形十方界以此威  
光與大慈救彼眾生無量苦九夜重昏幽暗  
府尊令廓照生光明牛頭獄卒盡成仙一切  
沈魂皆解脫

四目老翁地祇頌

五炁玄元真演法度迷津像外無法像真中  
求至真迷悟在心悟心靈法自靈神本無所  
法生神心自生我心若專一神明隨心行至  
理本無說至道本無言有像皆為偽神靈須  
我靈欲透妙中妙寂靜觀內心內外無毫滯  
透洞心無心心已無名像自然起仙廷抱一  
成真一逍遙登太清

五湖真經頌

稽首虛无无上道慈悲救苦大慈尊神光百  
億照中昏過覆慈雲瀉法雨碎石泐冷無間  
獄五湖五海血池盆玉錄大赦諸罪魂解脫  
沈淪萬劫苦鍊形度命朱陵府悟道登真衆  
妙門巍巍功德難思議未為衆生作慈父

拔罪心印妙經偈頌

大道澄廓元理幽深先天而生運化古今道  
無形體澄滌身心不貪不慾不嗔不淫是非  
莫識表裏思善身心清淨煩惱不侵無起無  
滅冥漠難斟湛然空寂了心無心自然合道  
衆聖來欽昇朝金闕遊觀審林七祖解脫永  
離幽陰昏契心印悟道合真念念相繼勿起  
塵心

三洞讚頌靈章卷下

正一天師清微弟子 製作  
道教學術資訊網

宋真宗御製玉京集卷之一

官一

謝瑞麥表一道

玉皇

嗣天子臣某 誠感誠慶頓首頓首再拜  
上言臣比者朝真之禮雖徇於後來若屬之  
心實虞於涼薄願惟福壤遽顯祥徽俾彼膏  
田再生嘉榘親靈休之協契知天意之眷懷  
祇荷降積益思自勵臣無任感幸激切之至  
謹奉表稱謝以聞臣某誠感誠慶頓首頓首  
再拜謹言

謝祥瑞表三道

三清

嗣天子臣某 誠感誠慶頓首頓首再拜  
上言臣伏以龍井捨壇禱靈格而願拜福庭  
太室撥言日而告期枚卜攸同多儀斯薦高  
昊降鑒嘉應發祥內顧眇冲誕膺於介祉未  
惟勵翼用答於凝楨臣無任感幸激切之至  
謹奉表稱謝以聞臣某誠感誠慶頓首頓首  
謹言

玉皇

嗣天子臣某 誠感誠慶頓首頓首再拜  
 上言臣伏以應馭降禎駐僊遊於中禁璠圖  
 協慶示寶誨於億年顧今序之載臨乃精衷  
 而昭薦天祺紛委允彰春祐之懷夕惕無忘  
 益勵夤威之志臣無任感幸激切之至謹奉  
 表稱謝以聞臣某誠感誠慶頓首頓首再拜  
 謹言

聖祖天尊大帝

嗣天子臣某 誠感誠慶頓首頓首再拜  
 上言伏以報況於龍井福庭先期已戒極見  
 於琳宮清廟昭告虔伸禮盛炳蕭樂揚拊石  
 蓋靈源之敷祐故瑞典而斯隆錫類之仁紹  
 彰於丕應適追之孝永勳於精衷臣無任感  
 幸激切之至謹奉表稱謝以聞臣某誠感誠  
 慶頓首頓首再拜謹言

謝天地祥瑞表一道

玉皇

嗣天子臣某 誠感誠慶頓首頓首再拜  
 上言伏以精衷昭格乃感動於靈心嘉應誕  
 敷實章明於天春臣比者禮文祗考密祀恭

脩膺穹昊之降衷荷珍符之錫祐祥經交燠  
 瑞物荐臻表福祉之未成示基圖之永固內  
 慙涼德獲顯鴻禎益勵小心用承丕錫臣無  
 任感幸激切之至謹奉表稱謝以聞臣某誠  
 感誠慶頓首頓首再拜謹言

謝雨表二道

三清

嗣天子臣某 誠感誠慶頓首頓首再拜  
 上言伏以縉紹慶基統臨決寓實資天祐用  
 保民和近者方展燔檀稍愆十雨慮傷稼穡  
 致美千箱冀觀離旱之祥庶協充箱之望爰  
 伸密禱果洽明徵式顧原田已霑膏澤宵旰  
 之眷既同影響而冥符夙夜之心益鑒盈盂  
 而自勵臣無任感幸激切之至謹奉表稱謝  
 以聞臣某誠感誠慶頓首頓首再拜謹言

玉皇

嗣天子臣某 誠感誠慶頓首頓首再拜  
 上言臣紹臨綿寓獲致洽平祗答鑒觀豈忘  
 寤寐近者方成茂典稍屬愆陽多稼充箱屢  
 虧於豐茂油雲觸石冀觀於霑濡密禱虔伸

明徵下決俄流甘澤澤濟大田春祐之祥既  
 昭昭而響答欽承之志尤冀翼而日增臣無  
 任感幸激切之至謹奉表稱謝以聞臣某誠  
 感誠慶頓首頓首再拜謹言

為皇子謝加恩表二道

三清

嗣天子臣某 誠感誠慶頓首頓首再拜  
 上言伏以洪覆之靈誕敷於丕祐本枝之盛  
 克固於永圖某祇受天祺年當就傳載詢國  
 典禮有建封爰疏寵於且芽復升榮於環衛  
 誕昭嘉慶實帝室之增華率勵精心庶神禧  
 之昭報益期介祉常茂多祥臣無任感幸激  
 切之至謹奉表稱謝以聞臣某誠感誠慶頓首  
 頓首再拜謹言

嗣皇子臣某 誠感誠慶頓首頓首再拜

上言伏奉制書云云者仰被茂恩伏增榮懼  
 恭以疏封之典誠屬於本枝列爵之崇允歸  
 於盛德伏念臣適當稚齒獲備維城奉慈訓  
 於承顏方蒙天蔭錫徽章於啓宇遠煥國經

位峻桓圭秩尊環衛集邦家之異數昭藩屏  
之鴻輝敢不自勵夙宵服勤詩禮務交修於  
忠孝庶永洽於慶靈臣無任感幸激切之至  
謹奉表稱謝以聞臣某誠感誠慶頓首頓首  
再拜謹言

為皇子生日表一道

玉皇

嗣皇子臣某 誠感誠慶頓首頓首再拜  
上言伏以候當朱夏月屆正陽降元曆既望  
之辰乃本枝載誕之日天心錫祐宗緒凝禎  
俾百福之咸宜實三靈之丕既敢不益勤齋  
慄用報高明期昭鑒之俯臨庶繁禧之常茂  
臣無任感幸激切之至謹奉表稱謝以聞臣  
某誠感誠慶頓首頓首再拜謹言

謝忠武軍大麥表一道

玉皇

嗣天子臣某 誠感誠慶頓首頓首再拜  
上言今觀忠武軍奏大麥一莖七穗者竊以  
靈心眷顧瑞典昭彰瞻彼原田育茲嘉麥而  
況生闡輔之與壞俯接於都畿因襄畝之效

祥用昭於善歲既欽承於丕祐彌勵翼於精  
忠臣無任感幸激切之至謹奉表稱謝以聞  
臣某誠感誠慶頓首頓首再拜謹言

謝玉石過淄州氣色表一道

玉皇

嗣天子臣某 誠感誠慶頓首頓首再拜  
上言今以將謀刻像恭侍殊庭爰自海濱採  
茲燕石遵塗所屆善應攸敷因景物之效祥  
見穹昊之降鑒內循冲眇仰荷顧懷益勵素  
衷用承鴻祐臣無任感幸激切之至謹奉表  
稱謝以聞臣某誠感誠慶頓首頓首再拜謹  
言

謝瑞應表一道

玉皇

嗣天子臣某 誠感誠慶頓首頓首再拜  
上言伏以靈宮款謁將祝於純禧瑞謀章明  
用昭於景既矧先期之誕成復清醮之方修  
素魄效祥商雲表異降滾滾之甘露露鬱鬱  
之喬柯內顧眇躬膺茲丕應欽承之志實積  
於黃威敷祐之仁庶隆於億萬臣無任感幸

激切之至謹奉表稱謝以聞臣某誠感誠慶  
頓首頓首再拜謹言

冬至謝表一道

玉皇

嗣天子臣某 誠感誠慶頓首頓首再拜  
上言伏以歲序言周天正斯屆大田之稔克  
協於順成率土之民咸躋於仁壽臣獲膺靈  
眷仰紹慶基萬國來庭實懷於景既九功惟  
序永賴於純禧臣無任感幸激切之至謹奉  
表稱謝以聞臣某誠感誠慶頓首頓首再拜  
謹言

年節謝表一道

玉皇

嗣天子臣某 誠感誠慶頓首頓首再拜  
上言伏以銅儀成歲綏管生春釐寓多歡咸  
躋於仁壽含靈有幸並集於福禧臣猥以眇  
躬躋茲丕緒夙興之志敢急於欽承紹至之  
祥並期於昭錫臣無任感幸激切之至謹奉  
表稱謝以聞臣某誠感誠慶頓首頓首再拜  
謹言

奏告加上聖號表三通

玉皇

嗣天子臣某 誠感誠慶頓首頓首再拜

上言臣猥以眇冲承茲保祐俯臨慈絲寓既存於監觀仰報降真敢忘於乾華是以翹瞻紫

極恭薦鴻名由願應之下垂俾精衷之上達今則對越真像昭示輔臣將申命於攸司佇

誕興於徵則清都在望同咫尺之不違丹膺聲伸庶高明而斯察謹奉表啓告以聞臣某

誠感誠慶頓首頓首再拜謹言

又

嗣天子臣某 誠感誠懼頓首頓首再拜

上言臣紹臨區宇獲保於隆平降鑒基圖永惟於春祐是以虔瞻普宙仰薦強名伸有翼

之精心答無疆之寶命今則已領中詔誕告外庭顧盛典之克伸實鴻靈而俯照內思涼

薄彌切實威但勵至恭庶昭丕錫臣無任精虔激切之至謹奉表奏告以聞臣某誠惶誠懼頓首頓首再拜謹言

聖祖天尊大帝

嗣天子臣某 誠惶誠懼頓首頓首再拜

上言臣承積累之丕緒獲撫中區荷太紫之鴻積用成至治仰瞻瑤極祇薦寶名克膺春

祐之仁俾展實威之禮今則已伸誕告盛顯降祥內顧眇冲敢忘欽異臣無任精虔激切

之至謹奉表奏告以聞臣某誠惶誠懼頓首頓首再拜謹言

為奏告上聖號祥瑞表一道

玉皇

嗣天子臣某 誠感誠慶頓首頓首再拜

上言臣恭藉鴻靈獲隆基緒方崇徽稱用報監觀恭對眸容親告台席遽顯彰於美應獲

紛觀於祥經顧以眇軀承茲景貺但度夕惕以答天祺臣無任感幸之至謹奉表稱謝以聞臣某誠感誠幸頓首頓首再拜謹言

謝降制告諭恭上聖號表一道

謝降制告諭恭上聖號表一道

玉皇

嗣天子臣某 誠感誠慶頓首頓首再拜

上言臣獲膺寶歷用撫蒸民承春祐之無疆勳實感而有益由是仰瞻普宙俯率絲區聲

達精衷上崇顯號爰詢今日誕布外庭百執

交趨共忻於嘉會九清垂鑒增感於積期敢不夕惕惟實夙典靡舍庶茂宜於大典俾欽

奉於鴻靈臣無任感幸激切之至謹奉表稱謝以聞臣某誠感誠慶頓首頓首再拜謹言

謝降制祥瑞表一道

玉皇

嗣天子臣某 誠感誠慶頓首頓首再拜

上言臣抑懷純錫俯率典民祇薦鴻名茂揚寶觀外庭宣布方協於元辰嘉瑞章明用昭

於丕春顧惟菲德荐觀祥徽益務至虔永承善應臣無任感幸激切之至謹奉表稱謝以聞臣某誠感誠慶頓首頓首再拜謹言

謝上寶號表一道

謝上寶號表一道

聖祖天尊大帝

嗣天子臣某 誠感誠慶頓首頓首再拜

上言伏以膺積累之祥丕圖復啓荷鑒觀之德盛典攸伸臣虔紹慶靈撫綏黎獻策區底定允賴於降禎夙夜勵精敢忘於昭報是以

俯同絲宇仰望玄都共為丕名庶揚鴻祐凌

兢之至方靡於自寧願設之仁遠彰於下濟  
今則已諧宣布將講禮容迴天聽之蓋高由  
僊源之協贊內惟冲眇祇戴詒謀但益實威  
欽承錫類臣無任感幸激切之至謹奉表稱  
謝以聞臣某誠感誠慶頓首頓首再拜謹言

謝上寶號祥瑞表一道

聖祖天尊大帝

嗣天子臣某 誠感誠慶頓首頓首再拜

上言臣欽承覆冒祇紹和平但勵至虔用膺

介祉比者俯同聲宇恭上鴻名式揆元辰方

從誕布精心勵冀尚切於戰兢嘉應咸通遠

彰於鑒祐永惟錫類茂顯降禎益務實威正

隆道蔭臣無任感幸激切之至謹奉表稱謝

以聞臣某誠感誠慶頓首頓首再拜謹言

謝允上寶號表一道

玉皇

嗣天子臣某 誠感誠慶頓首頓首再拜

上言臣聞玉圖累盛由普宙之鑒臨善應誕

彰自清都之昭感獲荷高明之降顧實增竊

寐之夤恭竊以臣克紹成基有勲菲質茂膺

寶命存錫元符俾四海之咸寧賴九陽之垂

貺雖巍巍之德祇答無階而慄慄之心屬精

曷舍由是思同率土上薦鴻名乾華內深誠

思整竭威神仰望彌切凌兢伏蒙天意冥通

靈謀協契昭茲懇至示以允俞今則宣布縣

區肅修大典豈唯冲眇曲被於顧懷實亦蒙

瀛共承於覆冒但勤夙夜用表欽崇臣無任

感幸激切之至謹奉表稱謝以聞臣某誠感

誠慶頓首頓首再拜謹言

謝祥瑞等表一道

聖祖天尊大帝

嗣天子臣某 誠感誠慶頓首頓首再拜

上言伏以聞與之圖早膺於丕錫集真之館

爰勵於精心顧寶閣之聲管蓋瓊函而斯奉

崇梁錯事明應儲祥實聳動於輿情益昭彰

於瑞典恭承景貺伏積虔誠臣無任感幸激

切之至謹奉表稱謝以聞臣某誠感誠慶頓

首頓首再拜謹言

宋真宗御製玉京集卷之一

宋真宗御製玉京集卷之二

官二

真遊殿祥瑞表十道

天

嗣天子臣某 誠感誠慶頓首頓首再拜

上言臣欽奉僊遊繕完秘殿傳功斯協降鑒

尤明顧瑞典之交呈實靈心而不顯載惟涼

德獲荷於祥徵守乃慶基益勤於潔志臣無

任感幸激切之至謹奉表稱謝以聞臣誠感

誠慶頓首頓首再拜謹言

聖祖天尊大帝

嗣天子臣某 誠感誠慶頓首頓首再拜

上言伏以颺遊降格蘭殿增修顧棟宇之方

新觀棋祥之紛集度披瑞謀茂顯靈心眷祐

之仁既邦家而允洽欽承之志諒夙夜而無

偷臣無任感幸激切之至謹奉表稱謝以聞

臣某誠感誠慶頓首頓首再拜謹言

宣祖皇帝

嗣天子臣某 誠感誠慶頓首頓首再拜

上言仰奉僊宗俯新秘殿欽承之意獲動於

監觀紛委之祥茂彰於尤異內惟涼德存觀